



**Sumáriu Kazu
Tribunál Distritál Oekusi
Setembru 2021**

Afirmasaun: Sumáriu Kazu tuirmai ne'e deskreve faktu sira no prosesu iha tribunál tuir JSMP nia monitorizasaun independente, no deklarasaun ne'ebé parte sira fó iha tribunál nia laran. Informasaun ne'e la representa JSMP nia hanoin hanesan instituisaun ida.

JSMP kondena maka'as forma violénsia hotu-hotu, liuliu hasoru fetu no ema vulneravel. JSMP afirma la iha justifikasaun ba kualkér violénsia hasoru fetu.

A. Sumáriu prosesu julgamentu kazu iha Tribunál Distritál Oekusi

1. Totál kazu ne'ebé JSMP monitoriza: 5

Artigu	Tipu kazu	Númeru
Artigu 145 Kódigu Penál (KP), konjuga ho artigu 2, 3, no 35(b) no 36 (LKVD)	Ofensa ba integridade física simples ho natureza violénsia doméstika no tipu ilísitu sira kona-ba violénsia doméstika.	3
Artigu 177 no 176 KP	Abuzu seksuál ba menór no pornografia infantil	1
Artigu 258 KP	Danu simples	1
Totál		5

2. Totál desizaun ne'ebé JSMP monitoriza : 1

Tipu desizaun	Artigu	Númeru
Omologa pedidu dezisténsia keixa	-	1
Totál		1

3. Totál kazu sira ne'ebé kontinua prosesu tuir JSMP nia monitorizasaun : 4

4. Totál kazu sira ne'ebé adia tuir JSMP nia monitorizasaun: 0

B. Deskrisaun sumáriu julgamentu ba desizaun kazu sira

1. Krime danu simples

Nú. Prosesu : 0039/21.PDOEC
Kompozisaun Tribunál : Singulár
Juis : Dr. Hugo da Cruz Pui
Prokuradór : Dr. Pedro Baptista Aleixo dos Santos

Rua Beco Lakateu, Aldeia Manu fuik,
Suku Colmera, Administrativu Vera Cruz
Dili Timor Leste
PoBox: 275

Telefone: 3323883 | 77040735

www.jsmp.tl

info@jsmp.tl

Facebook: www.facebook.com/timorleste.jsmp

Twitter: @JSMPtl

Defeza : Dr. Marcelino Marques Coro
Desizaun : Omologa pedidu dezisténsia keixa

Iha 17 Setembru 2021, Tribunál Distritál Oekusi prezide julgamentu tentativa konsiliaun ba kazu krime danu simples ne'ebé envolve arguidu Cesario Aseu Nheu Fernandes hasoru lezada Joana Abi, iha Aldeia Sanane, Suku Costa, Sub-distritu Pante-makasar, Distritu Oekusi.

Akuzasaun Prokuradór

Prokuradór akuza katak iha 25 Abril 2021, iha oras tuku 02:00 madrugada, arguidu estraga vidro janela uma nian rua ne'ebé partensia ba lezada nian, kazu ne'e akontese, bainhira arguidu loke janela hatama ulun ba iha kuartu laran, lezada nia oan hakilar, tanba ne'e arguidu halo monu vidro rua ba iha rai rezulta rahun hotu. Kazu ne'e aneksa hamutuk ho fotografia sira ne'ebé hasai husi polisia.

Prokuradór akuza arguidu kontra artigu 258 KP kona-ba krime danu simples ho moldura penál to'o tinan 3 ka multa.

Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu ho lezada.

Iha prosesu konsiliaun ne'e, lezada hakarak dame malu ho arguidu tanba arguidu hadia ona vidro rua ne'ebé estraga ona ho valor US\$50.00. Maibé lezada husu nafatin ba arguidu atu labele repete hikis nia hahalok ne'e hasoru lezada nia familia. Alende ne'e, arguidu mós konkorda ho pedidu lezada nian no deklara katak arrepende nia hahalok no promete sei la repete tan hahalok hanesan iha futuru, nune'e lezada husu ba tribunál atu deziste tiha ninia-keixa hasoru arguidu.

Alegasaun finál

Prokuradór no defeza apresia akordu dame ne'ebé parte rua decide ona no husu ba tribunál atu omologa prosesu ne'e.

Desizaun

Bazeia ba akordu dame husi parte rua no pedidu dezisténsia husi lezada, nune'e tribunál konklui prosesu ne'e no pedidu dezisténsia keixa ne'e sein kondisaun tanba arguidu hadia ona prezuiju lezada nian ho valor US\$50.00.

Atu hetan informasaun kompleitu, favór kontaktu:

Ana Paula Marçal

Diretora Ezekutiva JSMP

Diresaun e-mail: ana@jsmp.tl

Telefone: (+670) 33238883 | 77040735

Website: <https://jsmp.tl>

info@jsmp.tl